

古今醫統大全卷之三十六

滯下門

大便秘迫欲出而不通故曰滯下
世俗謂之痢下此反說也故從古

病機

滯下叙論

夫滯下者古之義
曰痢疾者今之名

內經曰澼

當有澼字

而便膿血

言病機也

知氣行而血止也

言治法也

又曰諸下痢皆屬於濕又曰下痢稠粘皆屬於火又曰下痢膿血

滯下皆熱證實證也

三因叢氏云痢疾有從外感而得者須分六氣之異外既受傷腸

胃結鬱遂成赤白等證當從其氣血虛實以調之有因藏氣發動

干犯腸胃而得者須察其何藏相乘以平治之有因飲食失節而

得者則又審其何物所傷以消尅之世之感此疾者其因誠不越乎是三者但其受病之後腸胃怫鬱膿血稠粘裏急後重諸方雖有寒熱虛實之論劉河間則以為熱內經亦以熱多而寒少學者當察其脉證隨變而藥之庶萬全也

痢疾是飲食積滯濕熱為源

戴氏云痢疾之源皆由腸胃所受飲食之積餘不盡行留滯於內濕蒸熱穢鬱結口深伏而不作時逢炎暑大行相火司令又以調攝失宜復感酷熱之毒至秋陽氣始收火氣下降蒸發蓄積而滯下之證作矣

瀉痢不可混言其證

夫瀉痢不分兩證混言濕熱不利小便非其治也夫瀉者水穀濕熱之象也滯下者垢穢之物同於濕熱而成治分兩岐而藥亦異若淡滲之劑功能散利水道濁流得快使瀉自止此有無之形豈可與滯下混同論治而用導滯可乎其下利出於大腸傳送之道了不干于胃氣所下有形之物或如魚腦或如豆汁或便白膿或下純血或赤或白或赤白相襍若此者豈可與泄混同論治而用淡滲利之可乎

痢疾以赤白分寒熱之誤

原病式曰或言下痢白為寒者誤也若果為寒則不能消穀何由反化為膿也所謂下痢穀反為膿血如世之穀肉果菜濕熱甚則

自化腐爛潰發而化為膿血也其熱為赤屬心火故也其濕為黃屬脾土故也燥鬱為白屬肺金故也經曰諸氣憤鬱皆屬於肺謂燥金之化也然諸瀉痢皆兼於濕今反言燥者謂濕熱甚於腸胃之內而腸胃拂鬱結而又濕至於否以致氣液不得宣通因以成腸胃之燥便煩渴不止也假如下痢赤白俗言寒熱相兼其說尤誤豈知水火陰陽寒熱者猶權衡也一高則必一下一盛則必一衰豈能寒熱俱盛於腸胃而同為痢乎如熱瘡瘍而出白膿者豈可以白為寒乎其熱之傷於氣分屬肺金故色白也其熱之傷於血分屬心火故赤也脾為黃肝為青腎為黑各隨五藏之部而見五色是其標也本則一出於熱但分淺深而已大法下迫窘痛後重

裏急小便赤澁皆屬燥熱而下利白者必多有之然則為熱明矣
痢疾裏急後重是為氣滯不得宣通

機要云裏急後重大腸經氣不宜通也宜用木香檳榔以宣通其
氣原病式云裏急後重窘急迫痛也火性急速而能燥物故也王
微義云夫裏急後重其證不一有因火熱者所謂火性急速而
能燥物是也有因氣滯此大腸經氣壅而不宣通也有因積滯壅
盛者是有物結墜也有因氣虛者此大腸氣降而不能升也有血
虛者所謂虛坐努責是也治法火熱者寒之清之氣滯和之積滯
者去之氣虛而降者升舉之血虛者補養之宜各察其所因也
痢疾腹痛總為不和

機要云腹痛者和之如發熱惡寒腹不痛藥加黃芩為主腹痛甚者加當歸倍芍藥玉機微義云泄利腹痛其證甚多有因內氣結滯有因積滯有因寒熱有因血虛亦宜察脉隨證調理惟和之一字可總言之若加當歸芍藥惟血虛可用

痢疾呃逆嘔逆候

痢疾而嘔吐呃逆者機要以為胃氣不和此特其一也玉機云有因胃火陰火上冲有因胃虛積滯所致丹溪亦以為氣自下衝上屬火之象滯下之久而見此證多是陰火所乘陽虛陰脫不相既濟為難治

禁口利是邪熱壅於胃口而然

玉機微義云禁口利乃胃中濕熱之毒薰蒸清道而上以致胃口
閉塞而成禁口之證亦有誤服澁熱之藥而邪氣停於胃口者

時疫作痢當察運氣

良方云有一方一家大小傳染所痢相似是疫毒痢也治法須當
察運氣之相勝亦不可狎泥當先視其虛實兼運氣而施治斯爲
兩全而當矣

不伏水土而成痢候

巢氏病源云四方之氣溫涼不同隨方嗜欲因以成性若移其舊
土多不習伏必因飲食以入腸胃腸胃不習便爲下痢故名不伏
水土痢也即水穀痢是

邪氣相乘而爲休息痢候

休息痢者乃乍作乍止或因邪氣未曾滌盡遽止而復作者是也
有因初愈不禁飲食恣用厚味及妄作勞而復作者是也凡犯此
者皆名休息

穀道蟲痢候

病源云穀道蟲者由胃弱腸虛而蛭虫下乘之也穀道肛門大腸
之候蛭虫者九虫之內一虫也在於腸間若府藏氣實則虫不安
動胃弱腸虛則蛭虫乘之輕者或燥或虫從穀道中溢出虫狀極
細形如蝸虫重者侵蝕肛門而瘡爛也

脈候

內經曰腸澼便血身熱則死寒則生又曰腸澼下白沫脉沉則生
浮則死腸澼之候身不熱脉不懸絕滑大者生懸澹者死以藏期
之 又曰陰陽虛脫腸澼死泄而脫血脉沉微手足逆皆難治

脉經曰腸澼下膿血脉沉小流連者生數大發熱者死又腸澼筋
攣脉細小安靜者生浮大堅者死○嚴氏曰凡下痢之脉微小者
生浮洪者難治腸澼下膿血滑爽者生絃急者死○仲景云下痢

脉沉弦者重脉大者為未止脉微弱者為欲自止雖發熱不死
下痢手足厥冷無脉者灸之不溫脉不出者死 下痢有微熱而

渴脉弱者令自愈 下痢脉微數有微熱汗出令自愈脉緊未愈

下痢脉滑而數者有宿食也宜下之 下痢脉微遲痛未止宜

溫之

治法

治痢通因通用之法

夫痢疾滯下實由濕熱鬱久食積停滯而後滯下之疾作焉初須通因通用之法以條去腸胃積滯然後調和胃氣則可愈矣若不疏滌便欲止之雖愈必發此其所以為休息痢者是也

治痢要察新久虛實

痢疾初起須去邪久而虛者必是滑脫下陷須提升澁脫方可愈也若初疏滌過而邪氣尚未盡除脉猶絃急其人壯健須再下之

治痢溫補要合時宜

原病式云或曰白痢既非寒病何故服辛熱之藥亦有愈者邪蓋

辛熱之藥能開發腸胃鬱結使氣液宣通流濕潤燥氣和而已此
特其一端也甚至先曾通瀉或因涼藥太多氣虛下陷脉微沉細
四肢厥冷即宜溫補升陽益胃湯乾薑理中湯之屬是也夫治初
痢者當以苦寒治之或畧加辛藥佐之則可蓋辛能發散開鬱如
錢氏香連丸之類是也至云緊不可用熱藥亦非治法通變之精
妙也故曰治痢溫補要合時宜

東垣治痢法

機要云後重則宜下腹痛則宜和身重則除濕脉絃則去風膿血

稠粘以重劑竭之

經云在下者引而竭之如大承氣湯加滑石之類是也

身冷自汗以熱藥

溫之

如通滌太過脾胃虛寒脉微發厥以理中湯加吳茱萸木香之屬

風邪內結宜汗之驚塘而

三
古今醫統卷之三十六
痢宜溫之又云在外發之在裏者下之在上者瀉之下陷者舉之
小便澁者分利之又云盛者和之去者送之至者止之止法云避
其銳氣擊其惰歸此之謂也

秘藏云假令傷寒飲食膈脹滿而飧泄者宜溫熱之劑以消導之
傷濕熱之物而成膿血者宜苦寒之劑以內收之風邪下陷者升
舉之濕氣內勝者分利之裏急者下之後重者除之調之腹痛者
和之洞瀉腸鳴無力不及粘衣其脉絃細而弱者溫之收之膿血
稠粘至圞而不能使其脉洪大而有力者寒之下之

溫瀉藥不宜早用

仲景云治痢可下者悉用承氣等湯大黃之寒其性善走佐以厚

朴之溫善行滯氣緩以甘草之甘飲以湯液灌滌腸胃滋潤輕快
積行即止局方用砥丹巴硃類聚成丸其氣兇暴其體滯積氣難
行而毒氣留連縱有劫病之効而腸胃清純之氣寧無損傷之患
乎又而可用溫藥者乃用姜附溫之局方例用熱藥為主澁藥為
佐甚非理也故云通劑宜早溫澁宜遲此因時制宜之妙用也
凡先瀉而後痢者逆也又復通之而不已者虛也脉微遲者宜溫
補脉弦數者為逆主死

陽明

以白芍甘草為君當歸白朮為佐惡寒者加桂惡熱者加檮

皮腹痛因肺金之氣鬱在大腸之間以苦梗發之後用痢藥

秘制腹痛

切不可驟用溫藥補藥姜桂參朮之屬惟久痢氣虛胃

弱而後用之可也

少重者乃積與氣墮下之故兼升兼消尤當和氣木香檳榔丸保和丸之類

身熱挾外感不惡寒者用小柴胡去人參發熱惡寒身首俱痛此為表證宜微汗和解之以蒼朮川芎陳皮芍藥甘草生薑煎服

發熱不止者屬陰虛用寒涼藥兼升藥溫脾藥

溫熱為痢不渴者建中湯加蒼朮茯苓煎下保和丸

濕熱下痢小便澀少煩渴能食脉洪大而緩腹痛後重桂苓甘露

飲送下保和丸 濕多熱少脾胃不和食少腹痛後重夜多痢下

胃冷湯送下保和丸 脾胃不和食少腹脹痛後重脉絃緊平胃

散加芍藥官桂葛根白朮茯苓煎下保和丸 氣虛面色萎黃或
枯白色人瘦弱痢頻併痛後重不食脉微細或微汗時出黃芪建
中湯

肛門痛因熱留於下也木香煨榔芩連加炒乾薑仲景治肛痛一

曰溫之一曰清之若病久身冷自汗脉沉細宜溫之

理中湯初病是也

身熱脉洪大且清之

黃今芍藥湯是也

下血者宜涼血活血當歸黃芩桃仁之類有風邪下陷者宜升提
之蓋風傷肝肝主血故也濕熱傷血者宜行濕清熱

血痢久不愈者屬陽虛陰脫用八珍湯加升舉之藥甚有陽虛陰

脫不能固陣陣自下血手足厥冷脉漸微縮此為元氣欲絕急灸

氣海穴用附子理中湯稍遲之則死

下痢久而氣血大虛腹痛頻併後重不食或產後得此證用四君

子湯加當歸陳皮糯米煎服

痢疾下墜異常積中有紫黑血而且痛甚者此為死血證用桃仁

細研及滑石行之

下痢紅多身熱益元散加木通陳皮炒芍藥白木湯送下保和丸

香連丸之屬

下痢白多者用芍藥白木陳皮甘草湯送下香連丸

下痢如豆汁者濕也脾胃為水穀之海無物不受常無四臟故有

如五色之相染當先通利之此迎而奪之之義也如虛者須審之

凡痢疾已減十之七八穢積已盡糟粕未實用炒芍藥白朮炙甘草陳皮茯苓湯下固腸丸三四十粒此丸性燥有去濕實腸之功若積滯未盡者不可遽用

痢後糟粕未盡或食粥稍多或飢甚方食腹中作痛者以白朮陳皮二味煎服和之自安

如氣行血和積少但虛坐努此為無血證倍用當歸身芍藥生地黃佐之以桃仁泥和之以陳皮血生自安

如力倦氣少脾胃虛而惡食此為挾虛證用四君子湯加當芍補之虛回而利自止

凡痢疾之證要審患人體氣厚薄曾無通瀉及用攻積苦寒之藥